

PREDSJEDAVAJUĆI

Zahvaljujem. Za riječ se javio uvaženi zastupnik Ismet Sarajlić. Izvolite.

ISMET SARAJLIĆ

Poštovani predsjedavajući, poštovane kolege, gosti, ministri sve vas pozdravljam. Moja inicijativa se odnosi i ide prema predsjedavajućem Skupštine, prema Vladi Zeničko-dobojskog kantona i resornom Ministarstvu za kantonalne, za za kantonalnom Ministarstvu za promet i komunikacije. Vrlo ću kratko, inicijativa se odnosi na to da se kantonalna Direkcija za ceste izdvoji znači iz sastava Ministarstva za promet i komunikacije, a iz sljedećih razloga. Zeničko-dobojski kanton je jedini kanton u kojem je pomenuta Direkcija za kantonalne ceste u sastavu Minisatarstva za promet i komunikacije, to je čak protivzakonito, i ovaj u svim kantonima ona djeluje kao posebna i samostalna organizaciona jedinica. U radu te Direkcije to sev načina odlučivanja koji je otežan dovodi vrlo često, bez obzira kažem o sastavima, dovodi možda i to eventualne politizacije te ovaj vrlo osjetljive Direkcije. S obzirom da nas čekaju prilično veliki sa statusom Bosne i Hercegovine prema Evropskoj Uniji, otvaranju jakih evropskih fondova sigurno nas čeka užurban cestovni prometni razvoj, mislim da bi to bilo dobro, mislim da nema razloga da se inicijativa ne usvoji iz razloga finansija zato što to apsolutno ne bi koštalo Kantona, samo bi ona djelovala samostalno, a i zbog razloga budžetiranja, nemojte zaboravit' evo samo kad imamo odluke o privremenim finansiranjima itd.,da je ta Direkcija ovaj blokirana, a vrlo često je ona takve prirode po prirodi svog posla ovaj vezana za tendere, vezana za tehničke procedure itd., jednostavno dolazi do usporavanja svih procedura. Ja mislim da ova inicijativa bi, je sasvim prihvatljiva i nadam se da će se usvojiti, ja bi čak volio da ona ide i po nekom hitnom postupku, al' o tom' potom. Hvala.

#